



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

XIX.

urn:nbn:de:hbz:466:1-11903

Cujus leges
subscribere
Limprech-
tus renuit.

Scutum ad-
versus Cæ-
sarem.

XIX.

has in leges subscripsere : Integra Electori
jura, Ducibus protectio, sed & urbi libertas esset, cu-
ne quid detrimenti pateretur, communi ope laboran-
ros, injurias, pericula, quæ pro Republica quis incur-
ret, omnium; Silentium consiliorum sanctum, concor-
dia inter Senatum & cives curæ esset. Limprech-
tus † cum hæc in Curia agerentur, se do-
mi continuit, seu morbo præpeditus, ut
prætendit, seu quod absentia sua consilio-
rum iniquitatem damnaret, malletque
abesse à consiliis, quibus assentiri nefas du-
ceret, quam inutili voto aliorum in se fu-
rorem provocare. At vel in societatem
sceleris trahendus videbatur Limprech-
tus, aut si renueret, fatali plebis odio im-
plicandus. Mittit ad eum Senatus, qui
leges foederis ad subscribendum porrige-
rent: Ille cum paucis perlustrasset, repe-
rire se ait, quæ Cæsar, quæ Elector in argu-
mentum renitentiaæ sint accepturi, attam-
en se maturius deliberaturum, vellent
Senatus declinanti jam morbo, & dilata-
ob hunc resolutioni paucos dies conce-
dere. Omnia hæc cum acri commenta-
tione in vulgus sparsa, & quasi jam immer-
si coeno inquinari amplius non possent, ul-
terius in seditionibus volutantur. † Cæsar,
Elector, cum imperatas preces exigeret,
receptionem Consulium urgeret, decre-
tum in Senatu, Ne quid inconsultis Saxonibus sta-
tueretur.

His Schmidburgius Baro, & Goppoldus
Imperialis aulae Consiliarii in fine anni su-
perve-

perveniunt, † ab Augustissimo Cæsare Legati. * Vocatis Senatoribus mandata Cæsarea exponunt. † Ad petita Electoris Moguntini se à Cæsare missos, ut decretum paritorium insinuarent, obsequium exigerent, in morosos Consulem præsertim & Syndicum inquirerent, objurgarent, plederent, ab Electore nominandos restituerent, omnia ex Reipublicæ bono agerent; Simul literas à Cæsare Senatui scriptas tradunt, ac ad longum anteaكتورorum monent: Recordari Senatui, quæ ab annis quindecim per varios Legatos acta sunt: † Inter alia Hallenhorstium & Kniphovium à muneribus suspensos, ad eosdem melioris vitæ promissa, & Hallenhorstii & Kniphovium urgent

Prætereagraviter Cæsarem tulisse, quod cum ad bonum ad pacem urbis tot Legatos submisserit, illi etiam ex necessitate Reipublicæ multa disposuerint, his legibus sprete in factiones Civitas secesserit. In Imperantibus Numensperni, cujus vice populo præsidet. Cæsarem tamen clementiâ justitiam moderari, malleque lenibus monitis Civitati consulere, quàm violento remedio in facinerosos experiri. Hoc sine se adesse, ut saniora consilia Senatui suggerant. Latæ ad Curiam Cæsaris litteræ, † ubi cum à Tribuno plebis, cui ex legibus id debetur, aperta fuissent, hunc in sensum perlectæ sunt: Exceptiones urbis, quas contra tot sententias & mandata proposuerit, absonas, & jam sæpius rejectas se accepisse. Habere se causam, & postulare Imperii leges, ut & in pœnam declararet contumaces, & arctius mandaret, id quod Elector Moguntinus justè flagitarit; Clementia tentare obsequium, quàm extorquere pœnis

Legati Cæsaris appellunt.

MDCLXIII
Eorum propositio.

Legati receptionem
Hallenhorstii & Kniphovium urgent

Cæsaris litteræ ad Senatui.

Mensis praeritioni praefixus. malle, dummodo pertinaciter morosis idem placuisse haecenus impuniti contemptus, † at intra mensem Caesareis mandatis obedirent, quod nisi facerent, & in poenam istis minitatem declarandos, & arctiora mandata accepturos; Murmura haec solum non tonitrua videbantur concitatae ad seditionem multitudini. Praefinitus mensis ad finem penè decurrit, † Legati ad se quatuor Tribunos, quod communitatem repraesentarent, vocant, num paritum sit, aut cur non factae preces audituri? verum adoleverat jam contumacia, nec comparere dignati sunt; missi tamen à Senatu, qui absentes † excusarent: *Leges civitatis, transactiones, & nuperum foedus nefas ducere, singulas res universitatis tractare: quales cum Legati propere voluerint Tribunis, satius habuisse per mandatos se excusare, quam inutili praesentia gravare Legatos.* Simul dehortatoriae à precibus, Saxoniae Ducum, & praedicti leges foederis porrectae. † Legati in se Majestatem Caesaris contemni aegrè tulerunt: de contumace absentia Tribunos rationes & poenas daturus: leges foederis sub sanctae concordiae nomine turbas spectare, erga Caesaris mandata cives unire. Ad commune bonum, ad Urbis incolumitatem, ipso civilis societatis vinculo ligatam satis Rempublicam, quod additur conjurationem esse, non nisi licentiam spectantem, civitati multis modis periculosam. Manifestam seditionem in eo prodi, quod preces ini-
 quas appellent, illas, quas sponte promiserint,

Tribuni à Legatis citati.

Per alios se excusant.

Legatorum indignatio.

rint, Cæsar insuper ex voluntate partium decreverit. Litteras Saxonum ad falsa narrata scriptas, verba dari, in re nihil fecuturum. Duces melius jam à Cæsare informatos, & ut ut immiscere se vellent, admitti ad hæc negotia nullatenus posse. † Perpenderet Senatus pericula, quæ ab ira Cæsaris imminerent, nec hunc, nec Electorem pertinaciæ Urbis cessurum, mandaturum arctiùs, sique & hoc contemnetur, ex Imperii legibus proscripturum rebelles, vitam, bona, libertates prædæ expositurum. His, precibus pro optimo Principe, pro pacis & patriæ Patre mederi posse, quas & esse pias Viri docti responderint, & sine libertatis, sine religionis præjudicio fore Elector caverit, Sisterent se quatuor Tribuni, idque sciret Senatus, ex mandato Cæsaris non solum intra mensem preces dicendas, sed & esse præstitas Vindobonæ doceri oportere. Senatus certos nominat, qui cum Legatis agerent, ac ne quo minus se Tribuni sisterent, factum esse per eum videretur, † illis ut cum Deputatis comparerent, facultas data est: Audirent Legatorum mentem, ac communitati referrent, simul indicarent: † *Consules Hallenhorstium, quod opere, Knip- hovium, quod consilio Electori restitisset, ante annos tredecim ab officio suspensos, velle Senatum in curiam recipere exclusos, at quod Moguntino jussu debeat, aut suffragio, id esse, quod aversetur, & libertatibus urbis officere timeat;* preces fraude & metu extortas

*Eorum hor-
tationes.*

*Tribuni se
Legatis si-
stunt.*

*Resolutio
Senatus.*

U s

servi.

*Rejicitur à
Legatis.*

*servitutem respicere. † Legati vanum metum pre-
tendi respondent, non hisce insidias urbi, non libertati-
bus strui, promississe Cæsarem, cavisse Electorem, ad
nova se imperia per hæc non iturum. Preces omnino
recitandas, quarum acceptationi metus falsè opponi-
tur, Legatis in toga, non armis negotium agenibus.
Fraudem excludere, quidquid sigillo urbis, & publico
Senatûs conventu probatur, desisterent commentis pue-
rilibus illudere Cæsareis mandatis, futurum aliàs, ut
in Erfordia, tanquam in theatro auctoritas Cæsarea
exhibeatur, promoturos nemescin Gallos, & Suecos, &
quotquot fœderibus Electori ligantur; Saxones ipsos*

*Erfurtenses
consultant.*

*communi imperantium causæ non desuturos. Rela-
ta hæc Senatui, † civibus, ministerio, id
prolixius rationes edit, cur imperatas pre-
ces reueneret. Senatus consilium indicit,
ubi de Legatorum propositis consultare-
tur. Comparuere in eo conventu Lega-
ti, ac multa priorem in sensum perorarunt.*

*Litteræ Sa-
xonum.*

*Intervenere † Ducum litteræ, quibus ne
quid cum Legatis in præjudicium provin-
ciæ ageretur, inhiberetur, comminationes
additæ, si non consultis Saxonibus grave
quid concludatur. Legati inanitatem ver-
borum explicant, † simul iussa Cæsarea
edunt, leges fœderis concordia annullant,
cautionem Syndico datam repetunt, idque
maximè exprobrant, quod veteres Tribu-
nos, ut in ejusdem sceleris consortio tene-
rent, tempore aliàs consueto non dimise-
rint. Rursus deliberandi spatium Senatus
impetrat, Limprechtum criminatur, &
super justitia † sæpè dicti fœderis externos*

*Legati ad-
versus con-
tumaces
procedunt.*

*Responsum
Fœtorum
super icto à
civibus fœ-
dere.*

Justif-

Juriseonfultos consulit : Illi , quid continua serie actum ignari , fraudem quæ sub involucro verborum latuit, non advertentes , cum pacem senatus & civium intenderet , nec Deo nec Superioribus invisum esse responderunt. † Cæsarem etiam denudè interpellant Erfurtenses , veteri prætextu moram excusant , iisque verbis queruntur , quæ consilium Aulicum, Legatos, Electorem in versæ justitiæ , syndicatûs & inconsultæ festinationis arguebant ; † ac quoniam in Consule renitendi audaciam (illi zelum libertatis appellabant) inveniant, continuatum ipsius regimen, & novum Senatûs Curia interclusa est.

Adfunt pariter † Saxonum Legati, mediatorum & pacis titulis insigniti , cautelas proponunt , sub quibus non pro causa tantum, sed persona etiam Electoris, quod hæctenus negatum, orari posset. † Sponderet Senatus preces pro Eminentissimi Electoris persona, recitationem , adusque libertati & religioni melius caveretur, differret, interim de formula ageretur, quam ministerium recipere , & sine scandalò audire cives possent. Restitutionem Consularium similiter promitteret : Sub his legibus Senatus obedientiam Legatis pollicetur. † Illi frustra precum formulam, temerariè cautionem exigere reponunt, cum hanc Elector jam præstiterit , & Cæsar judicârit idoneam ; Preces autem diu placitæ, ante triennium Senatûs ac Tribuum

*Erfurtensium
ad Cæsarem
querelæ.*

*Magistratum
continuam.*

XX.

*Saxonum
Legati
interveniunt.*

*Eorum
consilium.*

Rejectum.